

## Ampusho ya Kupepelapo Icalo Conse

- Mwe Shikulu, twapāpāta lekeni ukupupūtula kwa bwinalesa bwa pa kutendeka kupyange mu cilonganino cene mu nshiku sha kulekelesha. Twingeminina icishinka nangu imyulu ipone. Lekeni uku kupupūtula kutendekela pali ine wine.
- Mwe Shikulu, tulangeni ifyo twingaba no mukosha mu kapepa kwa cila bushiku, cila muntu kabili ngo lupwa.
- Mwe Shikulu, twisuleni amenso pa kuti tumone ifitupumfyanya mu myeo yesu. Ifintu ifitufumya no kutulenga ukuti twiba na maka ya kutonta (menso yesu) pali Imwe. Tupēleni imitima iishapātukana iya kupepa fye Imwe.
- Mwe Shikulu, twafweniko ukusuminisha Imwe ukulatubūsha cila lucelo, nangu fye ni pa maca, pakuti tulekwata inshita isuma, te ya kupupumina, mu kusambilila Icebo cenu na mu mapepo.
- Tulelomba ukuti mutwafweko kwisa kuli Imwe nge fyo tuli, na 'malangulushi yesu yonse, no kukānaafikapo kwesu, ne membu shesu, elyo ne fya kukabila fyesu, no kumisuminisha ukuti imwe mututemwe, mutwalule, kabili mutulenge tube umuntu milefwaya tube.
- Mwe Shikulu, tusambilisheni ifya kulomba ukubatishiwa kuli Mupashi Wamushilo cila bushiku.
- Tulelomba imfula ya kushalikisha iya Mupashi Wamushilo ukuti itukoshe ku kupēlo bunte no kutupēla 'maka ya kuibimba mu mulimo mwapupēla ukubomba ilyo tamulabwela.
- Tulangeni ifya kutemwa indupwa shesu muli bulilambo elyo ne fya kubalenga babe abasambi ba Bufumu, ukutampila fye pa bana besu elyo na 'batemwikwa.
- Tulelomba amano yakuti tufwailishe, tumfwikishe, kabili tukonke Icebo ca kwa Lesa. Tusambilisheni ukupandaula amashiwi ya cīne no kuyakanya mu cishinka kuli bambi.
- Mwe Shikulu, twapāpāta lekeni tutashe cipya cipya pa makambisho yasangwa mu malembo yapūtawo aya kwa Ellen White.
- Tulelomba insambu sha mipepele no buntungwa bwa muli kampingu umwalole calo. Shikulu, twapāpāta isuleni 'minshi ya kubila Icebo Cenu mu fifulo fyaisalika.
- Shikulu, lekeni icilonganino cenu cipokelele ubwite bwa kubila imbila sha bamalaika batatu ku luko, no lulimi lonse. Tulangeni ifya kushintilisha aya masambilo pa kutemwa na pa bulungami bwa kwa Kristu.
- Shikulu, twafweni ukuti tube abakumwenako ku bapungwe na ku bakulu-pungwe tubalange ifyo ubwikashi bwa Mbila sha Bamalaika Batatu bwaba.
- Shikulu, lekeni Bakalolēla bonse umwalole calo batile, "Ine Ndeya" elyo bapokelele no bwite bwa kumupyungila no kubila imbila nsuma ya bupusushe.
- Tulepepelako ababombela ku bundapishi, ku fya sayansi (scientists), intungulushi sha butēko, elyo na ku cipani ca bumi ukuti bakwate amāno ya kwishiba ico bengacita.
- Tulepepelako ba Kalolēla umwalole calo ukuti baleafwilishako no kukoseleshako abalecula. Tupeni ukushipa, umucetekanya, no mupashi wa kukānaitemwa ilyo abena mupalamano baletukabila.
- Tulepepelako abashikwete ndalama pa mulandu wa kubulwa incito elyo no kwaluka kwa fintu mu calo.
- Shikulu, twapāpāta langeni ifilundwa fya cilonganino ifya kwafwilisha balya abaleshingwana no bulwele bwa matontokanya no kupatulwa ku bantu.
- Tulepepelako bakakumba ne filonganino ukuti basange nshila sha kulenga ifilundwa fya cilonganino ukuti bakosepo ukulapepela pamo. Lord, please draw Your church together in worship and service.
- Tulepepelako ukuti kube ukupupūtulwa mu bapungwe baKalolēla Basunge Sabata abalesambilila mu masukulu yakalamba (colleges na universities) umwalole calo. Bengaba ni njiminishi sha kwa Kristu isha maka.
- Tulepepelako abantu abali mu ciputulwa ca 69% ica bekala-calo bonse abashilapokelela ubwiminishi bwapwililika ubwa kwa Yesu.
- Tulepepelako abantu iminshipendwa 62 (million)mu misumba 28 iishafikwamo nganshi mu Soviet Union wa kale (Euro-Asia Division).
- Tulelomba ukuti Lesa emye ababomfi bashipa abengaipēla abane ukyabombela mukati ka mabumba ya bantu 746 mu fyalo 20 fya mu Middle East.
- Shikulu, twapāpāta imyeni abena Waldensi ba buno-bushiku (modern-day Waldensian-type) mu basambi ba mu masukulu abengaipēla ukumupyungila mu ncende shayafya.
- Tulepepelako ifilundwa fya cilonganino ca ba Kalolēla (SDA) abalepakaswa na balekakwa pa mulandu wa fisumino fyabo.
- Tulepepelako abantu iminshipendwa 202 (million) mu misumba 41 umo twaingilamo panōno fye iya mu Southern Asia-Pacific Division ukuti beshibe Yesu.

- Tulepepelako Icipani ca Sabbath School/Personal Ministries Department mu filonganino fyonse ilyo balefwailisha ubwanshiko bwa kwa Lesa no kufika ku mamba ya bantu, ukubapyungila mu citemwiko, mu kusambilila icipingo, na mu kupela ubunte.
- Tulepepelako Icipani ca “Bwafwilisho ku Balecula” - Adventist Development and Relief Agency (ADRA) ilyo balebombela pa fyakukabila kwa bantu mu calo conse.
- Tulepepelako iminshioendwa ya bantu 16 (million) mu misumba 6 umo twaingilamo fye panono mu South Pacific Division.
- Tulelomba Mupashi Wamushilo ukuti atwafwe pakuti twishibe ifya kufika ku bantu iminshipendwa 406 (million) mu misumba 105 umo twaingila panono fye mu Northern Asia-Pacific Division.
- Shikulu, twapapata Icipani ca Adventist Chaplaincy Ministries cikoseleshe ababomfi ba kupepesha pamo ne filundwa fyaipesha kuti bapyungile abali mu fifungo.
- Shikulu, Tulepepelako ba kafundisha ba Sabata Sukulu. Leken i beshibe ifyo umulimo wabo ku bana wacindama.
- Shikulu, tulefwaisha ubutungulushi bwenu mu Fifulo fya Kwafwilamo abantu (Centers of Influence), mu fya bumi ne ndupwa, elyo na mu mabumba ya ba Pathfinder mu calo conse.
- Shikulu, twapapata tulangeni ifyo twingatuma ifyalembwapo amashiwi ya cine ku cintu-bwingi. Tulepepa ukuti abantu balebelenga na Mupashi Wamushilo abashinine ku cine ca mu Cipingo.
- Shikulu, tulelomba ubucingo bwenu ukuba pa babomfi ba butumikishi abalebombela mu fifulo fya busanso.
- Twapapata imyeni ba kashimikila ba mu mpapul (literature evangelists), cabana be sukulu baipesha, bakalemba ba mpapul, bakasabankanya, elyo na baletungilila umulimo ukupitila mu ndalama ukuti basalanganye amashiwi ye subilo no mweo.
- Tulepepelako ca bana be sukulu, na bakafundisha ba mu masukulu ya ba Kalolela umwalole calo. Aya masukulu yengalasambilisha icine ca mu Cipingo mu cishinka no kutwala bapungwe mu mulimo wa butumikishi, uwa bukapyunga, na mu bwampano bwe pusukilo pamo na Kristu.
- Shikulu, tupeniko amano ya kufika ku mishobo ya bantu abashifwaya mipepele ili yonse. Leken i Mupashi Wamushilo abongolole ifibumba fyaialila imitima ya bwikashi bwa cikaya.
- Tupaleni ilyo tulefika ku bantu abaci mu busha bwa kapepa imipashi, utulubi, ne fibumbwa. Twafweni ukuti twishibe ifyo icalo cimona ifi fyonse pakuti tubalangishe Umupusushi wabo.
- Shikulu, twapapata sunkilisheni ba Kalolela bonse umwalole calo ukulapepesha ukucila ifyo bapepa lyonse. Tusambilisheni ukulomba amalayo yenu no kusubila imwe ukusesha impili ilyo twapepa.
- Tulepepela amabumba ya bantu 541 mu fyalo 18 ifya mu Southern Africa-Indian Ocean Division. Twapapata batungulwileni ku cine ca mu cipingo.
- Tulangeni ifyo twingafwilisha ku kukabila kwa mbutushi. Leken i cilonganino cesu cishibikwe ukuti calitemwa bantu bonse, te mulandi ni bani nangu bafuma kwi.
- Tulemwipusha ukwimya abatumikishi ba mu misumba (urban missionaries) ukushimpa ifilonganino fyi bantu 806 ba mu fyalo 20 mu Inter-European Division.
- Twapapata imyeni mpuka ya babomfi ukuyashimpa ifilonganino fya mabumba ya bantu 948 mu fyaloba mu 38 Inter-American Division.
- Twapapata tusambilisheni ukubila ifisumino fikalamba mu cilonganino (Ifyo Twasuminamo - fundamental church beliefs) mu kutemwa, mu kusalapuka, na mu kushininkisha kwa cipingo. Leken i ukutemwa kwa kwa Yesu kube e shintililo lya fintu twasuminamo.
- Mwe Shikulu, twapapata teyanyeni abapungwe ukuyashimpa ifilonganino fya mabumba ya bantu 789 mu fyalo 9 fya mu North American Division.
- Tulomba kulfi Imwe ukuti mupekanye ababomfi baipela ku kuibombela bene (volunteers) ukuyapungila mabumba ya bantu 70 mwi bala (cisampa ca) lya Israel Field.
- Tulemwipusha ukuti mwimye ababomfi ba bundapishi (medical missionaries) ukuyashimpa ifilonganino mutata ka mabumba ya bantu 830 mu fyalo 11 mu East-Central Africa Division.
- Tulemwipusha ukwimya ifita fya mapepo (prayer warriors) ukupepelako amabmba ya bantu 2,568 mu fyalo 4 fya mu Southern Asia Division.
- Twapapata liken ndupwa shoes shilange ukutemwa kwenu mu mayanda na pa fipanda fyesu. Tulemwipusha ukuti mube umuyano mu mayanda yesu, shinken i imilale ya bwampano bwesu, cingilileni abalefyengwa ku lucu, kabili sokololeni amaka ya kushishiwa mu nshita sha kulufya isubilo.
- Tulemwipusha ukwimya bakasunga (ba balwele) na bashinganga ukuyashimpa ifilonganino fipya mukati ka mabumba ya bantu 1,978 ba mu fyalo 22 fya mu West-Central Africa Division.

- Tulepepelako abantu iminshipendwa 49 (million) mu misumba 19 umo twaingilamo fye panōno cya mu Trans-European Division.
- Tulepepelako abāna banōno besu. Twapāpāta bapenkko amaka ya kumwiminina abashipa ilyo balelolenkana ne filebacinga ne filebakosela. Bafwilisheniko ukusala bwino na māno no kwiminina icishinka.
- Tusambilisheni ukulakonka icilangililo cishakwata bu-ine ica kwa Kristu ilyo tulefishapo ukukabila kwa bantu Bali mupepi na ifwe. Tupangasheni ukupyunga nga babomfi ba bundapishi (medical missionaries), ababomfi baipelesha mu kubombela icintu-bwingi (community volunteers), no kuba ifibusa ku balekabila (friends to the needy).